

並斷流罪、於是石勝男祖父麻呂年十二、安頭麻呂年九、乙麻呂七、同言曰、父石勝爲養己等、盜用司漆、緣其所犯配役遠方、祖父麻呂等爲慰父情、冒死上陳、請配兄弟三人、沒爲官奴、贖父重罪、詔曰、人稟五常、仁義斯重、士有百行、孝敬爲先、今祖父麻呂等役身爲奴、贖父犯罪、欲存骨肉、理在矜愍、宜依所請、爲官奴、卽免父石勝罪、但犬麻呂依刑部斷發遣配處。

〔續日本後紀仁明〕承和四年五月丁亥、贈正五位上伴宿禰益立、本位從四位下、益立寶龜十一年、爲征夷持節副使、發京之日、叙從四位下、厥後遭讒、奪爵其男、越後大掾野繼、上書冤訴久矣、遂明得雪、父恥、〔續日本後紀仁明〕承和十三年八月辛巳、散位正三位藤原朝臣吉野薨、中尊事二親在堂、定省温清、造次無虧、忠孝之道、與爲多焉、先是父兵部卿、聞有鮮肉、遣人索之、遇朝謁未歸、庖人斬固、不以分遣、後乃聞之、向庖人責讓涕泣、終身不復肉食。

〔文德實錄一〕嘉祥三年五月壬辰、追贈流人橘朝臣逸勢正五位下、詔下遠江國歸葬本鄉、中初逸勢之赴配所也、有一女悲泣步從、官兵監送者叱之令去、女晝止夜行、遂得相從、逸勢行到遠江國板築驛、終于逆旅、女攀號盡哀、便葬驛下、廬於喪前、守屍不去、乃落髮爲尼、自名妙冲、爲父誓念、曉夜苦至、行旅過者爲之泣涕、及詔歸葬、女尼負屍還京、時人異之、稱爲孝女。

〔文德實錄四〕仁壽二年十二月癸未、參議左大辨從三位小野朝臣篁薨、中九年中天長、其夏哀父哀毀過禮、中篁身長六尺二寸、家素清貧、事母至孝、公俸所當皆施親友。

〔文德實錄五〕仁壽三年十二月丁丑、相模權介從五位上山田宿禰古嗣卒、中爲人廉謹而寡言辭、幼歲喪母、敬事從母、天性篤孝、嘗讀書傳、至於樹欲靜而風不止、子欲養而親不在、泣涕不禁、卷帙爲之沾濡、中下

〔古今著聞集八〕孝行恩愛、白河院御時、天下殺生禁斷せられければ、國土に魚鳥の類絶にけり、其比まづしかりける僧の年老たる母をもちたる有けり、其母魚なれば、物をくはざりけり、たま